



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

VIII. Die Decembris.

urn:nbn:de:hbz:466:1-9625

VIII. DIE DECEMBRIS.

ALPHONSVS
DE PRATO COAD.8. Decemb.
Hispanus
Salmanticæ.
1559.

TRiginta iam, & amplius annos natus tamen Salmanticæ in literis ingenio felici operam haud mediocrem posuisset, tamen auditâ B. Borgiæ Sanctimonix, ac particulatim humilitatis famâ, in Societate Coadiutoris statum amplexus est, sacrorum ordinum ne mentione quidem admittens, qui tamen illi offerebantur, quippe cui parum deerat ad scientiam quâ vel inter professos censeret posse. solebant vesperi post cœnam Coadiutores in choro visitare sanctissimum Sacramentum: & tum demum inde digressi de diuinis inter se conferre. Alphonsus Deiparæ Virgini Matri apprime addictus, Immaculatæ illius Conceptionis festum exquisitis modis celebrabat: & post cœnam ad Coadiutores de illo mysterio aliquid in medium afferebat. Anno 1559. 8. Decemb. expectabatur ex choro idem facturus: cum præter morem ibi hæsit diutius, ac tandem ad fratres prodiiit vultu alacri, & inflammato. Iam confederat, vt dicere ordiretur, cum repente inclinato ad vicinum qui assidebat capite felicem animam edidit.

P. P E T R V S
SPIGA.Sardus Ca-
lari. 8. Dec.
1594 ætat.
74. Soc. 43.

PAuperum, & paupertatis amatissimus, afflictatione sui, sensuum custodiâ, humilitate, orandi studio propè mirabilis. Pro Apostolo Sardinix habebatur, cum sibi nihil parce-

ret aliorum exquisitis industriis adiuuandorum causâ. Zelus ille animarum, quo mirificè flagrabat, nihil de domesticæ disciplinæ reuerentia, diligentiaque in illo decerpit: in qua quia quosdam laxiores videbat; è Societate amandandos verè prædixit: & particulatim de vno pronunciauit, nono post anno è Sociorum albo delendum; id quod ita euenit. Corpore fuit adèd pusillus, vt de illo ad Societatem admittendo S. P. Ignatius sit consultus, missâ quoque ad illum longitudinis eius mensurâ. sed annuit Sanctus Pater: & P. Petrus primus è Sardis ad Societatem admissus, factus est Societatis in Sardinia inter primores lapides fundamentum. Orandi studio mirabilis fuit, impetratione opportunâ, & mirâ. Thoracem vnum lineum per ipsos 24. annos gestauit, mortem suam vno antequàm illam obiret mens prædixit: & mortuus insertum manibus calicem æquè ac si viueret arctè strinxit. Reliqua de illo in vita.

P. BERNARDINVS
STEPHONIVS.

ANno 1560. die immaculatæ Conceptionis B. V. natus, è Romano Seminario ad Societatem aduenit anno 1581, die Purificationis eiusdem B. Virginis Matris: & eodem die anno 1602. 4. vota professus est: denique anno 1620. 8. Decemb. id est anniuersario sui natalis die viuere desuit, vitâ omni velut per stationes nobiliores festis Marianis distinctâ, & circumscriptâ. Memoriâ fuit ad capiendum celerè, ad retinendum ita firmâ, vt quicquid

R R r

quid

Mort.

Regula.

Prædictio.

Oratio.

Paupertas.

Mort.

Italus Mu-
tinæ. 8. Dec.
1620. ætat.
60. Soc. 59.

B V.

*Humil.**Humil.**Mortific.**Oratio.**Mort.*

quid legerat meminisset, ingenio autem ad eloquentiam, & virtutem nato, ac supra quam dici potest sui demissione mirabili, quicquid illi plausuum daret Roma, Principes, & summa ingenia. Enixè petit igne aboleri quæ scripserat, ne aliam lucem viderent; licet pietate, styloque sint laudatissima. Scripto publicè in triclinio ad legendum pro priuato nostro more dato dicit sui animi statum, instar Iob, esse calamitosissimam illuuiem, maciem, tabem, sterquilinum, inquinatissimum, & cœnosam perenitatem in conflictu seditiosissimo. suâ se confessione damnatissimum esse, atque contaminatissimum luculentissimis ærumnis, panegyrim malorum omnium & reum longanimitatis Dei: nudum, cæcum, surdum, mutum, ac luculentam suam in amaraco, ac rosa, in sanctissimorum hominum religiosissimo conuictu. Hæc ipsius calamo, & his plura in illius elogio prophis eius Romæ editis præfixo latè recenset Valentinus Mangionius Italiæ Assistent. quo eodem teste paupertatem vnicè coluit, quotidie se flagris piè seuerus cædebat: præscriptas diuinarum contemplationi rerum horas in medio conclau transigebat citra fulcrum vni dilecto Deo acclinis & innixus. Supremum æger dixit, sperare se, fore vt proximo Beatissimæ Virginis die de vita decederet, cuius festa fœlicia fuisset expertus nascens, Societatis tyro, ac demum professis adscriptus.

P. BENEDICTVS
FERNANDIVS.

Inconfusibilis operarij eruditi, atque assidui magistri, integerrimi religiosi nomen tulit. Beatissimæ Virginis perstudiosus scripta sua in Genesim Marianis laudibus vndequaque distinxit, singulas lectiones illius nomine condiens eruditè, ac piè: eaque illi vni omnia dedicauit, luculentâ ad illam datâ, & vtrique como præfixâ dedicatione. Alterum tomum scribebat, cum graui morbo prostratus orauit Virginem, & valetudinem illicò inpetrauit.

P. IVLIVS CÆSAR
MARGICVS.

Pertorius Caputus (vir ille sanctimonie laude vsque ad admirabilitatem celebratus) illi in Philosophia literarum simul & eximia virtutis magister fuit. Optabat Societatem, vt Indias & martyrij gloriam istic adipisceretur; cum tam fœcundas earum palmarum Indias esse literarum nunciarent. In India, post alia, Siamensium saluti nauauit operam. ibi ab interprete suo perfido per calumniam accusatus, & occulto veneno fructibus illito peremptus est. Eius corpus ignoti & Angelico vultu ac maiestate conspicui adoloscens circumstare conspecti sunt.

Lusitanus
Vlyssiponz.
8. Dec. 1630.
ætat. 64.
B V.

gestus in
Siam inces-
to mense.
1630. ætat.
44. So. 16.

Angeli

IX. DIE